

БАЙЫРҒЫ ЗАТ ЕСІМ МАҒЫНАЛАРЫНЫң КЕҢЕЮІ

Құлжанова Б.Р.

Әл-Фараби атындағы ҚазҰУ

Филология және әлем тілдері факультеті

Қазақ Тіл білімі кафедрасы

Ф.з.к., доцент

Белгілі бір уақыттың өтуіне байланысты сөз мағыналары да үнемі өзгеріске ұшырап отырады [1, 101-104 бб.]. «Әдетте қоғамның дамуы, сөз жоқ, болмыс, орта, зат, құбылыс жайында ұғымның жаңаурына, тереңдеуіне, өзгеруіне, ақыры кеңеюіне әкеледі. Сөз мағынасының кеңеюінің, өзгеруінің басты бір себебі сол сөз білдіретін ұғымның өзгеруінде деп тану қажет» [2, 33-б.]. XI-XII ғасырлар жазба ескерткіштері тіліндегі сөздердің қаншалықты дәрежеде өзгеріске ұшырағанын, кеңейіп-тарылғанын осы заманғы тілдермен салыстырғанда ғана байқай аламыз. «Күтадғу билиг» пен «Іибат-ул хақайик» ескерткіштері тіліндегі зат есімдердің бір тобының кеңею процесі, біздің зерттеулеріміздің нәтижесі көрсеткендей, мынадай дәрежеде.

СӨЗ. Әңгіме, ой, пікір мағынасында **сөз** атауы ескерткіштерде жиі қолданылады. Елиг айды үктум сөзүң белгулап Ачайын сөзүмни сәңа ұлгилап ҚБ 67 (Патша айтты: сөзінді салмақтап, толық ұқтый. Мен де саған ұлгілеп сөз айттайын). Санып сөзлаган ер сөзи сөз сағы ҺХ 133(Ойланып сөйлеген кісінің сөзі сөздің асылы). Билиглиг сөзи панд насхат адаб ҺХ 125 (Білімдінің сөзі үгіт, насхат, ұлғі-өнеге). Бұл мағыналар қазіргі қазақ тілінде толық сақталған. Алайда әдепті мағыналарының жалпылануы негізінде қосымша мағыналар жамалған. Мысалға бұл сөздің «заттар мен құбылыстардың атауын білдіретін, белгілі бір мағынасы бар тілдің негізгі бірлігі» деген терминдік мәні кейін пайда болған. Сондай-ақ оған «жиналыста көпшілікке қаратып айтылатын пікір, мәлімдеме, деректі ақпар, әнге арналған өлең-текст» сияқты мән-мағыналар үстелген. Эрине, бұл өзгерістердің барлығы осы атаудың ерекше табиғатынан келіп шығатыны түсінікті.

ҚЫЗ. Бұл сөз көбіне тәуелдеулі болады да, кімнің қызы баласы, тұмасы екендігінен хабар береді. Тарихи ескерткіштерде де, қазір де осы мағынада жұмсалады. Йалавач аңа берди еки қызының ҚБ 13 (Пайғамбар оған екі қызыны берді). *Күйеуге тимеген, бойжеткен мағынасы да көне дәүірге де, жаңа дәүірге де ортақ*. Оғул сегизинч ордулуғ қызы төртүнч ордулуғ болур ДТС 449 (Ұл сегізінші ордалық, қызы төртінші ордалық болып табылады). Аталған сөзге біздің заманымызда *жігіттің көңіл қосқан, жүріп жүрген адамы, қалыңдық* деген экспрессивті мағына үстеген. Заман ыңғайына қарай пайда болған жаңа ұғым. Қызы көптеген фразеологиялық тіркестердің үйтқы сөз ретінде ұйымдастырады. Бұдан оның семантикалық қабілетінің өте оралымды екендігін байқаймыз.

АУЫЗ. Бұл ағзаны қоғам мүшелері ежелден *адамның, жан-жануарлардың тамақ қабылдайтын мүшесі* ретінде түсінген. Ағыз йеса көз уйадзур ДТС 21 (Ауыз жесе, көз ұялады). Бұл ұғым тарихтың бүкіл өн бойында ешқандай өзгеріске ұшырамаған. Алайда атаудың семантикалық жағынан дамуы көне, жаңа дәүірлерде әрүалай. Бағыты да түрлі-түрлі.

Көне түркі тілінде мынадай ауыспалы мағыналары бар: 1. *Ерін деген мағынада:* ошул оғулның өнлүкі чырағы көк ерди *ағызы* аташ қызыл ерди ДТС 21 (Бұл баланың бет шырайы көк еді де, ерні от сияқты қызыл еді). 2. *Бір нәрсенің ашиқ жасы деген мағынада:* Үшінші ағызын титигин йапмыш кергак ДТС 21 (Құмыраның аузын балшықпен жабу керек). 3. *Сөз, сөйлеу, айту деген мағынада:* Негу келса тапла көр едгү, есиз Бойун бер қазақа көни тут *ағыз* ҚБ 68 (Жақсылыққа, жамандыққа жолықсан да, сабырлық ет, Тағдырыңа мойын ұсын, шын сөйле); Сәңа қашақ *ағыз* бу өзүм сөзлайын Унытма сен аны менинда кезин ҚБ 435 (Саған мен өзім бірнеше сөз айтып көрейін Бірақ оны сен мен өмірден кеткеннен кейін ұмытып қалма). Махмуд Қашғари мұның сыртында төртінші – *бір нәрсенің*

басталар жері(Көпір аузы, өткел аузы, сай аузы, шатқал аузы т.б.) деген мағынасы да бар екендігін сөздігіне тіркеген.

Тарихи ескерткіштер тіліндегі «бір нәрсенің ашық жағы», «бір нірсенің басталар жері» деген ауыспалы мағыналар қазіргі қазақ тілінде де бар. Мұның сыртында тілімізде мынадай мағыналар үстелген: 1. *Дыбыстау мүшелерінің бірі, артикуляциялық аппарат*. 2. *Адам, кісі мағынасында*. 3. *Бір нәрсенің кіріп-шыгар жері, есігі*. 4. *Жараның, ісіктің ашылған жер; үстіңгі жасы, беті*. Бір ғана сөздің әр алуан мағыналарының дамуына метафора, метонимия, синекдоха тәсілдерінің қатар қатысуы назар аудартады. Мысалы, тарихи ескерткіштерде **ауыздық** «ерін» ретінде түсінілуі метонимия тәсілі арқылы жүзеге асса, «адам, кісі» мағынасында ұғынылуы синекдоха тәсілі арқылы мүмкін болып отыр. Қалған мағыналар метафора тәсілі негізінде пайда болған. Мағыналары көне замада да, жаңа заманда да кеңейген.

ЖАРЫҚ. Адамзат баласы **жарықты қараңғылықты жоютын физикалық құбылыс** ретінде түсінеді. Бұл сөздің ұғымы танымның өсуіне байланысты тарихтың өн бойында кеңейіп оырған. 1. *Бір нәрсенің сәулесі деген мағынада*. Көктүн бир көк йаруқ түшти ДТС 244 (Көктен бір көк сәуле түсті). 2. *Айқын көруге болатын табиғи жаратылыс деген мағынада*. Бир қорқынчығ үлуг йаруқ ДТС 244 (Бір қорқынышты үлкен жарық); Кара тұн ттөрүтті йаруқ күндүзи ҚБ 21 (Қара тұн жаратты, күндізі жарық). 3. *Бір нәрсенің нұры деген мағынада*. Барды көзүм йаруқы ДТС 244 (Көзімнің нұры жоғалды). Санамаланған мағыналардың барлығы қазіргі қазақ тілінде де бар. Метафора тәсілі арқылы ұқсату негізінде бұл сөзге кейінгі кезеңдерде *ұміт, қызық, жақсылық* деген тың мағына үстелген: Адымынды алға бассаң, өмір бар, көретін жарық бар [3, ҚТТС3-т., 701-б]. Мағынасы кеңеюге бейім тұрған, потенциалды мүмкіндігі үлкен сөздердің бірі. Қай сөзбен тіркесуіне қарай контекстік мағыналары да әрдайым құбылып, өзгеріп тұрады.

БЕЛГІ. Бұл сөздің ескерткіштерге және қазақ тіліне ортақ тұра мағынасы – *есте сақталатын жеке-дара өзгешилік*. Көбіне жол жүргенде есте қалатындағы ерекшеліктерді, немесе арнайы қойылатын са алуан таңба нышандарды белгі деп атайды. Тарихи ескерткіштерде бұл сөздің заттық мағынасынан гөрі идеялық деректісіз мағынасы қатты дамыған. 1. *Белгілі бір құбылыстың нышаны деген мағынада*. Қут белгүсі билиг ДТС 93 (Бакыттыңбелгісі – білім); Кишилигболур чын киши белгүсі ҚБ345 (Нағыз кісінің белгісі – адамгершілік); Кичигда болур барча белгү, нишан ҚБ128 (Барлық белгілер мен нышандар бала кезде анықталады). 2. *Хабар, ишарат деген мағынада*. Йыпар кизласы сен ызызы белгү уар ҚБ 34 (Жұпарды қанша жасырғаныңмен иісі белгі беріп тұрады).

Бұлардың сыртында қазақ тілінің өз даму заңдылықтары негізінде пайда болған бірнешемағыналар бар. 1. Шартты таңба. Біздің белгіміз – мына қызыл, – деп Мәмбет омырауындағы қызыл лентаны көрсетті (ҚТТС 2-т., 246-б). 2. Біреудің құрметіне немесетарихи мәні бар оқиғаға арнап орнатылған ескерткіш. 3. Есте қаларлық бұйым, көз. Сол сапарда өзіме бір белгі болсын деп бір тақия, бір шапан ала қайттым (ҚТТС 2-т., 246). 4. Бір нәрсенің із-таңбасы, жұрнағы. Отken күннің белгісі жоқ (мақал). Бұл сөздің бұдан басқа да фразеологиялық, стилистикалық-коннотациялық мағыналары көп. Бірақ олар біздің тақырыбымыздың нысанына жатпайды.

ИТ. Беретін мағынасы – *сұтқоректі жыртқыштар тобына жататын асыранды үй хайуаны*. Йорығлы йорытмаз кер есриң итиң ҚБ 152 (Байқайсың ба, сенің барыс сияқты итің үйіне адам жолатпайды). Фразеологизмдердің құрамында кездескені болмаса, көне түркі жазба ескерткіштерінде ауыспалы мағынасы жоқ. Махмуд Қашғаридің көрсетуінше, жыл қайырудың он бірінші жылын *ит жылы* деп атайды. Орхон-енисей ескерткіштерінде де осылай ДТС 215. Бұл сөздің *оңбаган, жауыз* сияқты ауыспалы мағыналары көне дәуірде де болуы мүмкін, бірақ ескерткіштерде көрініс таппаған. Ауызекі сөйлеу тілінде көбіне қатар-құрбы адамдардың бір-біріне немесе жасы кіші бала-шағаға өзімсініп айтатын зілсіз сөзі ретінде түсініледі. Кейіп, ренжіген кезде малға да айтыла береді. Қазақ тілінде бұл сөзден толып жатқан фразеологизмдердің жасалуы оның қолданылу аясы өте үлкен екендігі көрсетеді.

ҚОЛ. 1. Тура мағынасы – *адамның бір нәрсені ұстайтын, жұмыс істейтін дене мүшесі*. XI-XII ғасырлар ескерткіштері тілінде осы ұғым-түсініктің өбден қалыптастып, қолданыс тапқаны аңғарылады. Бу Айтолды кирди қавуштурды қол ҚБ 41 (Айтолды кіріп, екі қолын қусырды); Іазар қол қүшар дег йана тәрк қачар ҢХ 222 (Құшатын сияқты қолын жазады да, сосын тез қашады). 2. *Бір нәрсенің саласы, тарамы, қолтығы деген мағынада*. Опры қолу ДТС 453 (Аңғардың қолтығы). Орхон-енисей ескерткіштеріндегі де өзге орта ғасыр жазбаларында да бұл сөздің бқдан басқа ауыспалы мағыналары байқалмайды.

Шамасы ауызекі сөйлеу тілінің негізінде қалыптастан болуы мүмкін: бүтіннің орнына бөлшекті ауыстырып қолдану тәсілі қазақ тілінде бұл тұлғадан *әскер*, *жасақ*, *жауынгер* деген тың мағына беретін жаңа сөз жасалған. Соңғы лексема дами келе омоним дәрежесіне жеткен. Аманкелді қолына қосылуға Торғайға қарай бет алды. (ҚТС 6-т., 290-б). *Қол таңбасы, жазуы деген ауыспалы мағынаның елімізде сауаттылықтың өсуі себепті кейін пайда болғаны анық*. Бұл сөздің мағынасы орта ғасырлар ескерткіштеріне қарағанда әлдеқайда кеңейген.

ҚҰЛАҚ. *Адам мен жануарлардың есту мүшесі*. Махмуд Қашғаридің сөздігінде де, «Қутадғу билигте» деосы мағынаға ғана тіркелген. Байат берди қулқа еки көз қулақ ҚБ 214 (Құдай пендесіне екі көз, екі қулақ берді). «Һибат-ул хақайик» ескерткішінде фразеологизмдердің құрамында ғана кездеседі. Айайын мен аны қулақ тут меңа ҢХ 266 (Мен оны айтайын. Құлақ сал). Бұл сөздің мағынасы орта ғасырлар ескерткіштеріне қарағанда ерекшеленеді.

Қазақ тілінде метафора тәсілі негізінде бірнеше ауыспалы мағынаға ие болған. 1. *Бас киімнің құлақты жауып тұратын бөлігі*. Мысалы, құлақшының құлағы, тымақтың құлағы, т. б. 2. *Заттың ұстаяға арналған жері, тұтқасы*. Самаурынның құлағы, қазанның құлағы, соқаның құлағы т. б. 3. *Музыкалық аспаптың ішегін қатайтатын немесе босататын тетеігі*. Домбыраның құлағы, қобыздың құлағы т. б. Бұл мағыналардың барлығы жанды заттың белгілі бір бөлшегін жансыз заттардың белгілі бір бөлшегімен форма, пішін жағынан салыстырудың арқасында туындаған. Бұл сөздің одан әрі де кеңею мүмкіндігі үлкен.

ҚҮЙРЫҚ. Жан-жануарлардың денесіне қатысты атаулардың бірі – **қүйрық**. Негізгі мағынасы – *жануарлар организмінің құйырышығы және соган шыққан қыл, қауырсын*. Үт күзрук сапытты ДТС 463[4] (Ит қүйрығын бұлғандатты). Йашық йанды болғай йана орныңа Балық құдруқындин козы бурнуңа ҚБ 16 (Күн өзінің орнына және қайтып келді Балық шоқжұлдызының мұрнына). Махмуд Қашғари бұл сөздің *адамның бөксесі, қүйрығы мағынасы да бар екендігін* өз сөздігінде ескерткен. Қазақ тілінде: 1. *Май қоры жиналатын мүше, бөксе*. Бұл да – жаңа тіл мен көне тілге ортақ мағына. 2. *Заттың үшкірленіп, сүйірленіп келген шет жағы, ұши*. Ұшақтың қүйрығы, кеменің қүйрығы, кимешектің қүйрығы т.б. Ұқсату заңының әсерімен дамып, мағынасы кеңейген сөздердің бірі.

ІЗ. *Адамның, мал, аң, құс т. б. аяғының жерге түскен таңбасы, басқан жерде қалған дағы халық ұғымында – із. Таптан кеткен жол, соқпақ, шұбырынды сүрлеу де осы ұғым-түсініктің негізінде пайда болған нақты заттық (денотаттық) мағына. Көне түркі жазба ескерткіштерінде бұл мағыналар ұшырамайды. Дұрысында, бұлар өз кезінде қағазға түспей қалғанға ұқсайды. «Қутадғу билиг», «Һибат-ул хақайик» ескерткіштері тілінде бұл сөз *белгі*, жол деген дерексіз мағына береді. Өзи өлди ерсааты қалды из ҚБ 29 (Өзі өлгенімен, аты із болып қалды). Атың езгү болса қалыр езгү из ҚБ 378 (Атың ізгі болса, артында ізгі белгі қалады). Аяда дост билигли йизин излагил ҢХ 225 (УА, дос, білімді кісінің жолын қу). Бұл сөздің мағынасы қазақ тілінде одан әрі дамыған. 1. *Белгілі бір бағыт, бағдар*. Өмір іздері, бір ізбен жүру т. б. 2. *Бір нәрсенің белгісі, нышан*. Мінездің ізі, өкпенің ізі, үрейдің ізі т.б. Қандай сөзбен тіркесуіне қарай аталған атаудың реңктері мен мәндері әлде де көбейе беруі мүмкін.*

ҚАНАТ. Бұл атаудың да тура мағынасы «Ғибат-ул хақайиқ», «Қутадғу билиг» ескерткіштері тілінде ұшырамайды. Махмуд Қашғари, орхон-енисей ескерткіштерінде: құс және шыбын-шіркей сияқты жәндіктердің үшін қызметтін атқаратын дене мүшесі деген мағынада. Ер қуғу қушқа соқулмыш қуғу қуш қанатыңа уруп ДТС 417 (Ол кісі аққу құсқа жолықты, аққу қанатына мінгізіп алды). Тарихи ескерткіштерде *сенімді серік, арқа сүйер таяныш, тірек* деген мағыналарда көп жүмсалады. Қуш қанатын ер атын ДТС 417 (Ер аты құс қанаты сияқты). Раджа бирла хафуни қанат сен қылын ҚБ 215 [5] (Сен үмітің мен қаупінді қанат ет). Қазақ тілінде метафора негізінде бұл сөзден бес мағына туындаған. 1. *Балықтың жұзу қызметтін атқаратын дене мүшесі*. Сазанның қанаты, шортанның қанаты т.б. Бұл мағынаның да ежелгі дәуірлерде-ак бар екендігі сөзсіз. Бірақ тарихи ескерткіштерде қамтылмай қалған. 2. *Ұшақтың көтеріліп-қонуына қажетті құс қанаты тәріздес негізгі бөлегі*. Ұшақ қанаты, тікұшақ қанаты т. б. 3. *Арба-шананың немесе басқа бір заттың үстін кеңейту үшін бекіткен ағаш*. Арбаның қанаты, шананың қанаты т. б. 4. *Киіз үйдің әрбір керегесі мен іши*. Он екі қанат үй, төрт қанат ши т. б. 5. *Белгілі бір нәрсенің орналасқан шебі, екі жағы*. Жаудың сол қанаты, алаңның оң жақ қанаты т.б. «Аспанға ұшатын денелердің қанаты», «белгілі бір бір нәрсенің оң жақ, сол жақ қанаты» деген ұғымдар, сөз жоқ, кейінгі заманның – ғылым мен техника, өнеркәсіп өсken заманның – жемісі. Қоғамның дамуына қарай әр дәуірде ұғым-түсінігін молайтып келе жатқан өміршең сөз. Сөз мағыналарының аудису заңдылықтарын арнайы зерттеген тілші-ғалым Р. Барлыбаев: «Сөз мағынасының кеңеюі дегенде оның жекеліктен жалпылыққа аудисуы ғана емес, сөздің бастапқы лексикалық мағынасынан бірнеше жаңа мағынаның пайда болуын, оның тіркесу қабілетінің артуын айтуды» [2, 48], – деп жазады.

ҚҮН. Ежелгі дәуірлерде ата-бабаларымыз *күнді әлемге жарық, қызыу беретін аспан денесі* деп ұқса, қазір де осы ұғым-түсінік өзгеріске ұшыраған жоқ. Күндізгі мезгілді – таңның атуы мен күннің батуы аралығындағы уақытты да – **қүн** деп атайды. Бұл – күннің *планета мағынасымен жарысып жүрген туынды номинативті(тура) мағынасы*. Осы екі мағына тарихи ескерткіштерде де, қазіргі тілдерде де бірдей. Мысалдар. 1. Күн тоғды қамуғ ұза йаруқ болты ДТС 326 (Күн шықты, барлық дүние жарық болды); Тұнатұр туниң күнүң кетарип ҺХ 15 (Күнін кетіріп, қараңғы тұн етеді). 2. Күн йема тұн йема йелү бардымыз ДТС 326 (Күн демей, тұн демей зымырап отырып бардық); Йетар башқа бир күн бу тил бошлығы ҺХ 136 [6] (Тіліңнің жүгендіздігі бір күні басыңа жетеді).

Қазақ тілінде бұлардан тыс мынадай аудиспалы мағыналары бар. 1. *24 сағатқа тең уақыт, тәулік*. Екі-үш күн тынықты, күндер өтті, т. б. 2. *Уақыт, мезгіл, кез, дәуір*. Сен келетін күні, осы күніңе жете алмай қалма (Аудисекі сөйлеу тілінен). 3. *Өмір, тіршілік*. Өз күнін өзі көру, күні күн емес т.б. 4. *Ая-райы, табиғат құбылысы*. Күн тымық, күн сұытты, т. б. Сонымен қатар бұл атаудан пайда болған туынды сөздер де, фразеологизмдер де көп.

ҚАЛҚАН. Көне түркі жазба ескерткіштерінің барлығында бір ғана мағынада – тура мағынасында қолданылған: *батырлардың, жауынгерлердің соққы, оқ дарытпау үшін қолына ұстайтын қорғаныс құралы*. Қықрып атығ кемшалым Қалқан сұңғын чумшалым ДТС 413 (Қиқулап атты қамшылаймыз Қалқанды сұңғі жүмсаймыз); Тайақлық йағықа темур қалқан ет ҚБ 306 (Таяқпен қаруланған жауға қарсы темірден жасалған қалқан ұста). Қалқан соғыс қаруы ретінде біздің заманымызда жүмсалмайтындықтан, қоғамдық өмірге де қажеті жоқ болғандықтан, қазіргі әдеби тілден шығып қалған. Тарихи сөз ретінде тарихи шығармаларда ғана пайдаланылады. Бірақ осы сөзден өрбіген туынды мағыналарды көркем әдебиеттен, ақпаратқұралдарынан жиі кездестіруге болады. 1. *Бөгет, тосқауыл* деген мағынада. Сайдың жағаларына қар ұстайтын қалқандар қойылып, бірнеше жерге қар төбешіктерін үйді (ҚТС 5-т., 593-б). 2. *Құлақтың қалқиган жері деген мағынада*. Көне сөзге айналғаны болмаса, әдепкі тура мағынасы жойылмаған. Оның негізгі семалары кейінгі туынды мағыналардан да айқын байқалады.

АРҚА. Адамның *жоста, жауырын, жон жағын арқа* деп атайды. Бұл ұғым-түсінік көне түркі жазба ескерткіштеріне де, қазіргі тілдерге де ортақ. От өнлүг сачы *арқасынта*

йадылу туруп ДТС 53 (Оның от сияқты шашы арқасында жайылып тұр). «Қутадғу билиг» ескерткішінде осы атаудан метонимия тәсілі арқылы *сүйеу тірек* деген ауыспалы мағына туындаған. Адаш қолдашол ерка арқа билин ҚБ 82 (Жолдас, дос ер адамдар үшін сүйеу, мұны жақсылап біліп ал). Кимниң арқасы болса күчлүг болур ҚБ 66 (Кімнің сүйенетіні болса, ол адам күшті). Бұл мағына қазіргі қазақ тілінде ауызекі сөйлеу тілінен көбірек аңғарылады. «Оның арқа сүйері бар» десек, «тірегі бар» деп түсінеміз. Аталған сөздің қазақ тілінде тарихи ескерткіштерде жоқ мынадай мағыналары бар: 1. *Арт жақ, соңғы жақ*. 2. *Tay, дөң жоталары*. 3. *Көмек, жәрдем*. Мұндағы «тай, дөң жоталары» дәстүрлі ұқсату тәсілімен жасалып тұрса, «арт жақ, соңғы жақ», «көмек, жәрдем» контекстің арқасында түсінілетін қосымша мағыналар. **Арқа** сөзінің уақыт өте келе қызметі, қолданылу қабілеті артқан.

Пайдаланылған әдебиеттер

1. Юнусалиев Б.М. Киргизская лексикология. Фрунзе: Кирг. Гос. Учеб. Педагог. Изд., 1959. – 248 с.
2. Барлыбаев Р. Қазақ тілінде сөз мағынасының кеңеюі мен тарылуы. – Алматы: Мектеп, 1968. – 72 б.
3. Қазақ тілінің түсіндірме сөздігі: 10 томдық / Жалпы ред. баск. А.Ы. Ысқақов. – Алматы: Фылым, 1974. – 1 т. – 696 б.
4. Древнетюркский словарь. М-Л: 1969.
5. Каримов К. Юсуб Хос Хожиб. Қутадғу билиг. Тошкент, 1971
6. Сағындықұлы Б. «Һибат-ул хақайиқ» – XII ғасыр ескерткіші. – Алматы: Қазақ университеті, 2002. – 184 б.